



SULEQATIGIISITSISUT
SAMARBEJDSPARTIET
UKA2019/66
Tillie Martinussen

01. oktobari 2019

Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugit Naalackersuisut, Danmark-ip Naalackersuisuinut attaveqarnissaannut peqquneqarnissaannik, Inatsisartut aalajangiiffigisassaattut siunnersuut.
(Partii Naleqqamit Inatsisartunut ilaasortaaitai)

Siunnersuut saqqummiunneqarpoq aningaasaliisartut takusinnaaniassammassuk sullivinnut aningaasanik nioqquteqartarfinni nalunaarsorneqarsimasunut kikkut piginnittuunersut kiisalu suliffeqarfinnut kikkorpiat piginnittuunnersut.

Suliffeqarfiimmi immikkoortumi siuliani taasatsit, akissarsiat pillugit politikkerit saqqummiuttussaavaat kiisalu aamma aningaasaliisarnermut aamma takuneqarsinnaasussaavoq kikkut piginnittuni aningaasaliisuusimarnersut aamma kikkut tapersersuullutik piginneqataanersut.

Minnerunngitsumik siunertaavoq piffissami sivisuumi piginnittuunissamat kaammattuinnissaq. Taamaasilluni pinngitsoortinneqarsinnaapput iluanaarniapilunniarlutik aningaasaliisartut aamma taamaasilluni aningaasanik niuerfinni iluanaarniapiluttartut imaluunniit piginneqataassutsinut iluanaarniapiluttartut.

Tamanna ilaatigut pisarpoq pinngitsoortinniallugu piginneqataasut amerlanerpaartaasa iluanaarniapilunnermut akuersaartannginnissaat aamma piffissap sivikitsuinnaap ingerlanerani piseriarlutik nioqquteqartartut taamaaleriarlutillu tammaannartartut.

Tassa siuarsarniarneqarpoq tutsuviginartumik piffissarlu ungasinnerusoq isigalugu aningaasaliisoqartarnissaa, aamma ingerlatseqatigiiffiit sulilluartunik tutsuviginartunillu piginnittoqartarnissaa. Taamaasilluni akiorniarlugu iluanaarniapiluttarneq. Tamakku tamarmik tapersersornaqaat aamma pitsaasuummata.

Suleqatigiissitsisuni isumaqarpugut manna siunnersuut saqqummiunneqartoq qularnaarumallugu paasiuminarungaartumik ingerlatsisoqarnissaa ullumimut naleqqiullugu aamma akiorniarlugu qanigisariaarluni iluanaarniarloqartannginnissaa siunissamilu peqquserluttoqartannginnissaa, taamaattumik assut tapersersornarpoq.

Minnerunngitsumillu piginneqataasunut ajornannginnerulersussaavoq ataatsimeersuarnerni sunniteqartarsinnaanissaq, ingerlatsineq tamanut paasiuminarnerulersussaamat taamaattumik ingerlatseqatigiiffinni sugaluartuniluunniit politikkeqartoqartassaaq qulaani taaneqartunut ersarinnerulersitsumik. Suut tamarmik paasiuminarnerulissapput tamannalu tamatta pisariaqartilluinnarparput.

Taamatut naatumik oqaaseqarluta siunnersuut akuerineqassasoq inassutigaarput.